

Апостол 11.09.2024

Б: Мир всем.

Я: И духови твоему.

Б: Премудрость.

Я: Прокимен глас 7:

Возвеселится праведник о Господе, / и уповает на Него.

Хор: Возвеселится праведник о Господе.

Я: Услыши, Боже, глас мой, вегда молити ми ся к Тебе.

Хор: Возвеселится праведник о Господе.

Я: Возвеселится праведник о Господе

Хор: и уповает на Него.

Б: Премудрость.

Я: Деяния святых Апостол чтение.

Б: Вонмем

Во дни оны, якоже скончаваше Иоанн течение, глаголаше: кого мя непщуете быти, несмь аз, но се грядет по мне, Емуже несмь достоин разрешити ремень сапогу Его. Мужие, братие, сынове рода Авраамля, и иже в вас, боящиися Бога, вам слово спасения Сего послася: Живущии бо во Иерусалиме и князи их сего не разумевше, и гласы пророческия, по вся субботы чтомыя, осудивше Его, исполниша. И ни единыя вины смертныя обретше, просиша у Пилата убити Его. Якоже скончаша вся, яже о Нем писана, снемше со Древа,

положиша во гробе. Бог же воскреси Его от мертвых. Иже явился на дни многи совозшедшим с Ним от Галилеи во Иерусалим, иже ныне суть свидетелие Его к людем. И мы вам благовествуем обетование, бывшее ко отцем, яко сие Бог исполнил есть нам, чадом их, воздвиг Иисуса. *(Деян 13:25–32, зач. 33)

Б: Мир ти.

Я: И духови твоему.

Б: Премудрость.

Я: Аллилуиа глас 4

Хор: Аллилуиа 3 раза

Я: Праведник яко финикс процветет, яко кедр иже в Ливане умножится.

Хор: Аллилуиа 3 раза

Я: Насаждени в дому Господни, во дворех Бога нашего процветут.

Хор: Аллилуиа 3 раза